

Ponuda 874-3/2015

Softver za menadžment dokumenta

Poštovani,

na osnovu urađane analize vašeg poslovanja, upoznati smo s problemom koji se odnosi na menadžment dokumenata u vašoj organizaciji. Razumijemo kako menadžment dokumenata može biti jako težak zadatak, te stoga želimo da vam ponudimo softver koji će u velikoj mjeri olakšati isti.

Softversko rješenje koje vam nudimo će prije svega omogućiti pohranjivanje i pregled dokumenata na jedan sistematiziran način. Dakle, osnovne funkcionalnosti koje nudi naše softversko rješenje jesu pohranjivanje i skidanje dokumenata sa centralnog servera gdje se čuvaju podaci. Ovo softversko rješenje bi bila desktop aplikacija koja se instalira na radne stanice unutar kompanije i koja komunicira sa bazom podataka koja se također nalazi unutar vaše kompanije.

Pored ovoga, ovaj sistem će nuditi i:

- Upravljanje korisnicima i grupama od strane sistemskog administratora.
- Kreiranje i organizaciju grupa kao i prava pristupa korisnika.
- Dodavanje nove verzije dokumenta sa mogućnošću skidanja prethodnih verzija.
- Brisanje dokumenata iz arhive uz prethodni download
- Dodavanje komentara na verziju dokumenta.
- Kreiranje zahtjeva za odobravanje dokumenta od nadležne osobe.
- Definisanje nadležnih osoba za odobravanje dokumenata na nivou foldera/direktorija
- Pretraga dokumenata po raznim kriterijima.
- Osnovna statistika

Upravljanje korisnicima i grupama od strane sistemskog administratora

Ovo podrazumjeva:

- Dodavanje korisnika.
- Izmjena podataka o korisniku.
- Brisanje korisnika.

Kreiranje i organizacija grupa kao i prava pristupa korisnika

Ovo podrazumjeva:

- Kreiranje grupa.
- Brisanje grupa.
- Dodjela prava pristupa korisniku u grupi (upload, download ili oboje).
- Oduzimanje prava pristupa korisniku u grupi.

Dodavanje nove verzije dokumenta sa mogućnošću skidanja prethodnih verzija.

Ovo omogućava, u svakom trenutku, pregled i skidanje svih prethodnih verzija dokumenta kao i dodavanje nove verzije dokumenta na server.

Brisanje dokumenata iz arhive uz prethodni download

Ova funkcija sistema će omogućiti da se svi dokumenti stariji od određenog datuma downloaduju na korisnički računar i da se nakon toga omogući opcija za brisanje tih dokumenata.

Dodavanje komentara na verziju dokumenta.

Ova funkcionalnost omogućava dodavanje komentara na određenu verziju dokumenta kao i pregled prethodnih komentara, opcija slična komentarima na Facebook-u.

Kreiranje zahtjeva za odobravanje dokumenta od nadležne osobe.

Ova funkcionalnost podrazumijeva da u nekim situacijama će doći do situacije da se neki dokument treba potvrditi od neke nadležne osobe. Kada se dokument završi može se zatražiti od nadležne osobe da potvrdi da je dokument uredi i da se može nastaviti sa sljedećim radnjama (precesiranjem određene fakture, slanjem dopisa itd.). Proces ide tako što korisnik podnese zahtjev za odobravanje dokumenta od drugog korisnika (nadležne osobe) kojem dolazi notifikacija, gdje on nakon pregleda dokumenta daje odobrenje ili osporava sa pratećom porukom.

Definisanje nadležnih osoba za odobravanje dokumenata na nivou foldera/direktorija

Ova funkcionalnost podrazumijeva to da će se folderu/direktoriju moći dodati grupa nadležnih osoba za odobravanje dokumenata, te će na osnovu toga svaki upload u taj folder zahtijevati odobrenje od strane nadležnih osoba. Dokument koji je upload-ovan u taj folder će se nalaziti u posebnom folderu kojem pravo pristupa imaju osobe nadležne za odobravanje, koje će dobiti obavijet o zahtjevanom upload-u. U slučaju

odobravanja dokument se premješta u prvobitno određeni direktorij za upload, u suprotnom dokument se briše. U obje situacije korisnik koji je zahtijevao upload dobija obavještenje o statusu istog.

Pretraga dokumenata po raznim kriterijima.

Ova funkcionalnost će omogućiti selekciju dokumenata po različitim kriterijima, npr. Po nazivu, datumu upload-a, korisniku koji je izvršio upload, verziji itd.

Osnovna statistika

Ova funkcionalnost će omogućiti pregled najčešće gledanih fajlova, najčešće skidanih fajlova, najčešće vrijeme uploada itd. Također će omogućiti praćenje koje je sve dokumente koji korisnik uploadovao/downloadovao i praćenje rada korisnika u određenom intervalu.

Zašto Tim11.Inc

Uvidjeli smo da imate velikih problema sa menadžmentom dokumenata, a mi ovo vidimo kao jedan jako zanimljiv projekt tako da bi realizacija doprinjela sveobuhvatnom zadovoljstvu, i vama kao kupcu i nama kao kreatorima softvera.

Na osnovu svega rečenog nadamo se da ćete nam ukazati svoje povjerenje i izabrati nas kao firmu koja će riješiti vaš problem.

Cijena: 11.000,00 KM

Garancija: 4 godine

Vrijeme realizacije: 2 mjeseca

S poštovanjem,

Team Leader, CEO Tim11.Inc